

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1761/25
Sarajevo, 30.9.2025. godine

Z A P I S N I K
21. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 30.9.2025. godine

Sjednica je počela sa radom u 12 sati i 37 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio prisutne delegatkinje i delegate, potpredsjednike Federacije BiH gospodina Refika Lendu i gospodina Igora Stojanovića, ministre u Vladi Federacije BiH, te predstavnike medija i ostale koji prate rad sjednice.

Prije prelaska na rad Kolegij je odlučio da pozdrave himnu Bosne i Hercegovine.

Izostanak sa sjednice najavila je delegatkinja Vedrana Vujović.

Prema evidenciji Stručne službe, sjednici prisustvuje 64 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad glasa o usvajanju Zapisnika 20. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 60 glasova za, bez glasova protiv i bez uzdržanih glasova, usvojio Zapisnik 20. sjednice Doma naroda Parlamenta Federacije BiH.

Predsjedavajući je prije utvrđivanja dnevnog reda napomenuo delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative.

Amir Orlović uputio je jednu inicijativu i postavio pitanje.

Inicijativu je uputio Vladi Federacije BiH, odnosno Federalnom ministarstvu rada i socijalne politike, u vezi izrade odnosno izmjene i dopune Zakona gdje se pominje pojam prihodovni cenzus, da se RVI obje komponente HVIDRA i RVI i porodice poginulih i šehida, odnosno nestalih boraca i stradalih HVO izuzmu od prihodovnog cenzusa.

Pitanje je postavio Federalnom ministarstvu finansija i Federalnom ministarstvu pravde vezano za odgovor na prijedlog izmjene člana 8. Zakona o budžetima Federacije BiH, podnesenog na 19. sjednici Doma naroda Parlamenta FBiH.

Belma Kapo postavila je jedno pitanje i uputila je jednu inicijativu.

Pitanje je postavila Zavodu za zdravstveno osiguranje i reosiguranje FBiH vezano za neutrošena sredstava za liječenje djece u inostranstvu.

Inicijativu je uputila Institutu za medicinsko vještačenje u vezi primjene pravilnika koji se odnosi na djecu oboljelu od celijakije.

Fatima Gavrankapetanović-Smailbegović uputila je jednu inicijativu i postavila dva pitanja.

Inicijativu je uputila Federalnom ministarstvu zdravstva u vezi primjene biološke terapije kod pacijenata sa reumatoidnim artritismom.

Prvo pitanje postavila je ministru Federalnog ministarstva zdravstva vezano za liste čekanja za lijekove za onkološke pacijente.

Drugo pitanje postavila je ministru Federalnog ministarstva rada i socijalne politike Adnanu Deliću, u vezi preduzetih mjera povodom snimka na kojem je prikazano teško zlostavljanje šticećenika u domu Pazarić.

Ivan Odak postavio je pitanje Pravobranilaštvu BiH vezano za knjiženje nekretnina koje imaju status šume i šumskog zemljišta u korist društva Šumarstvo Prenj d.d. Konjic kao i informaciju o tome šta se uradilo po pitanju zaštite imovine, koji su pravni predmeti aktuelni i u kojoj su fazi.

Eldin Delić uputio je inicijativu Javnom preduzeću Ceste Federacije BiH u vezi izgradnje kružnog toka ili postavljanja stacionarnih radara na raskrsnici na koju se ulazi u Novi Travnik sa magistralnog puta M14 zbog mnogih saobraćajnih nezgoda.

Aida Obuća postavila je tri pitanja.

Prvo pitanje postavila je ministru Federalnog ministarstva trgovine vezano za izuzeće od neradne nedjelje i efekte uvođenja neradne nedjelje po ekonomsku situaciju u FBiH.

Drugo pitanje postavila je Federalnom ministarstvu finansija u vezi zaduživanja na Londonskoj berzi u iznosu od 350 miliona eura.

Treće pitanje postavila je Javnom preduzeću Autoceste Federacije BiH vezano za radove na Koridoru Vc i u vezi poslovanja Javnog preduzeća Autoceste Federacije BiH u 2024. godini.

Emir Dautović uputio je jednu inicijativu i postavio jedno pitanje.

Inicijativu je uputio predsjedavajućem i Kolegiju Doma naroda Parlamenta FBiH vezano za omogućavanje tačke dnevnog reda na narednoj sjednici Doma naroda, u kojoj će imati

moгуćnost raspravljanja i zauzimanja stavova oko osuđivanja zločina koji se dešavaju u Palestini.

Pitanje je postavio Uredu za reviziju institucija FBiH u vezi upućivanja na daljnju proceduru Izvještaja revizora za Finansijski izvještaj i usklađenost poslovanja sa zakonskim propisima Federalne televizije za 2024. godinu.

Mehmed Memišević postavio je dva pitanja.

Prvo pitanje postavio je Federalnom ministarstvu unutrašnjih poslova u vezi poduzimanja mjera i radnji kako bi spriječili bahatu vožnju vozila pod pratnjom.

Drugo pitanje postavio je Javnom preduzeću Ceste Federacije BiH u kojoj je fazi inicijativa koja se odnosi na magistralnu cestu M14.

Fahrudin Čolaković postavio je četiri pitanja.

Prvo pitanje postavio je Penzionom i invalidskom osiguranju i Federalnom ministarstvu rada i socijalne politike u vezi Odluke o srazmjernoj penziji.

Drugo pitanje postavio je Poreznoj upravi FBiH vezano za broj zaposlenih u Federaciji BiH sa danom ranije od dana prijema upita i broj zaposlenih u oblasti trgovine na dan 30.11.2024. godine a koliko na dan 31.08.2025. godine.

Treće pitanje postavio je Vladi Federacije BiH u vezi poduzetih mjera za dugoročno otklanjanje problema snadbijevanja namjenske industrije baruta.

Četvrto pitanje postavio je Vladi Federacije BiH i resornom ministarstvu vezano za naredne poteze na implementaciji prava na borački dodatak.

Muamer Zukić postavio je dva pitanja.

Prvo pitanje postavio je Vladi Federacije BiH u vezi postojanja i formiranja mjesnih zajednica u gradu Stocu.

Drugo pitanje postavio je predsjedavajućem Doma naroda Parlamenta FBiH vezano za povlačenje tački sa dnevnog reda sjednica, postupak donošenja zakona i prisustvo premijera i ministara sjednicama Doma naroda.

Ivica Pavković uputio je inicijativu premijeru Vlade Federacije BiH u vezi organizovanja sastanka sa Visokim predstavnikom BiH Kristijanom Šmitom, povodom raspolaganja državnom imovinom, prvenstveno šumskim zemljištem.

Jelena Pekić postavila je pitanje Federalnoj upravi za inspeksijske poslove, Kantonalnoj upravi za inspeksijske poslove i ministru Adnanu Deliću vezano za inspeksijski nadzor prekovremenog rada u posljednje tri godine i prijave od strane radnika.

Enes Peštek uputio je inicijativu Federalnom ministarstvu za pitanja boraca i invalida odbrambeno-oslobodilačkog rata vezano za provođenje izjašnjenja Vlade Federacije BiH

povodom inicijative o usklađivanju Zakona PIO Federacije BiH sa odredbama Zakona o pravima branilaca i članova njihovih porodica.

Vildana Bešlija uputila je dvije inicijative.

Prvu inicijativu uputila je Vladi Federacije BiH i Federalnom ministarstvu pravde vezano za izmjenu Porodičnog zakona Federacije BiH i pratećih propisa povodom eksplicitne zabrane tjelesnog kažnjavanje djece u svim okruženjima.

Drugu inicijativu uputila je Cestama Federacije BiH u vezi unapređenja sigurnosti pješaka na magistralnim i regionalnim cestama i željezničkim prugama kroz reviziju propisa.

Miomirka Melank uputila je inicijativu Vladi Federacije BiH i Federalnom ministarstvu kulture i sporta u vezi definisanja pravilnika ili dokumenta koji će se definisati termine objava i realizacije konkursa za tekuće transfere neprofitnim organizacijama, institucijama i fondovima i unapređenje procesa isplate sredstava za projekte u kulturi, sportu i nauci.

Azhar Sejarić postavio je pitanje Vladi Federacije BiH i Federalnom ministarstvu finansija vezano za razlog neobjavljivanja javnog poziva za općine i gradove koji spadaju u kategoriju nerazvijenih općina i gradova.

Damir Šišić uputio je tri inicijative.

Prvu inicijativu uputio je Vladi Federacije BiH i resornom ministarstvu unutrašnjih poslova u vezi izmjene i dopune ili donošenja novog Zakona o policijskim službenicima.

Drugu inicijativu uputio je Vladi Federacije BiH i resornom ministarstvu za rješavanje problema u namjenskoj industriji Federacije BiH sa akcentom na problematiku i nabavku baruta neophodnog za proizvodnju.

Treću inicijativu uputio je Vladi Federacije BiH, Ministarstvu prometa i komunikacija Federacije BiH, Autocestama Federacije BiH i Cestama Federacije BiH vezano za dostavu podataka potrebnih za izradu dokumentacije za pristupanje izgradnji autocesta, brzih i magistralnih cesta.

Vesna Saradžić uputila je inicijativu i postavila pitanje.

Inicijativu je uputila Federalnom ministarstvu zdravstva u vezi objavljivanja zvaničnog Izvještaja o IVF postupcima u Federaciji BiH za 2024.godinu, zatim Informaciju o mjerama koje Federalno ministarstvo zdravstva i Komisija za biomedicinski potpomognutu oplodnju poduzimaju kako bi se smanjila stopa više plodnih trudnoća u skladu s međunarodnim smjernicama.

Pitanje je postavila Zavodu zdravstvenog osiguranja i reosiguranja Federacije BiH u vezi broja postupaka biomedicinski potpomognutih oplodnji i broja vantjelesnih oplodnji finansiranih od Federalnog zavoda zdravstvenog osiguranja i reosiguranja.

Haris Zahiragić postavio je pitanje Vladi Federacije BiH i Federalnom ministarstvu obrta vezano za javni konkurs za dodjelu grant sredstva pod nazivom Razvoj starta eko sistema koji je objavilo Federalno ministarstvo razvoja, poduzetništva i obrta.

Nakon postavljenih delegatskih pitanja i upućenih inicijativa, Domu naroda Parlamenta Federacije BiH, obratili su se ministar unutrašnjih poslova Federacije BiH Ramo Isak i ministar Federalnog ministarstva rada i socijalne politike Adnan Delić.

Predsjedavajući je obavijestio delegate da je premijer Federacije BiH dostavio Dopis kojim povlači sa dnevnog reda sljedeće tačke:

- Prijedlog zakona o dopunama Zakona o raseljenim licima i povratnicima u Federaciji BiH i izbjeglicama iz Bosne i Hercegovine,
- Prijedlog Zakona o rudarstvu Federacije BiH,
- Prijedlog Zakona o vještacima u Federaciji BiH.

Predsjedavajući je obavijestio delegate da je Vlada Federacije BiH dostavila prijedlog da se razmatraju po hitnom postupku:

- Prijedlog zakona o izmjenama Zakona o zaštiti od požara i vatrogastvu,
- Prijedlog zakona o izmjenama i dopunama Zakona o visini stope zatezne kamate na javne prihode.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz 9 uzdržanih glasova i uz 7 glasova protiv, prihvatio da se Prijedlog zakona o izmjenama Zakona o zaštiti od požara i vatrogastvu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz 10 uzdržanih glasova i uz 7 glasova protiv, prihvatio da se Prijedlog zakona o izmjenama i dopunama Zakona o visini stope zatezne kamate na javne prihode razmatra po hitnom postupku.

Predsjedavajući je obavijestio delegate da je Vlada Federacije BiH dostavila prijedlog da se razmatraju po skraćenom postupku:

- Prijedlog Zakona o postupku prenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima,
- Prijedlog Zakona o izmjenama Zakona o prostornom planiranju i korištenju zemljišta na nivou Federacije BiH.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 12 uzdržanih glasova i uz 7 glasova protiv, prihvatio da se Prijedlog Zakona o postupku prenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 12 uzdržanih glasova i uz 7 glasova protiv, prihvatio da se Prijedlog Zakona o izmjenama

Zakona o prostornom planiranju i korištenju zemljišta na nivou Federacije BiH razmatra po skraćenom postupku.

Nakon toga prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 51 glasova za, uz 8 uzdržanih glasova i uz 1 glas protiv, usvojio sljedeći:

DNEVNI RED

1. Verifikacija mandata delegatkinji u Domu naroda Parlamenta Federacije Bosne i Hercegovine,
2. Informacija o provedenom javnom konkursu za popunu upražnjenog radnog mjesta rukovodećeg državnog službenika - sekretara Doma naroda Parlamenta Federacije Bosne i Hercegovine,
3. Prijedlog zakona o izmjenama Zakona o zaštiti od požara i vatrogastvu – hitni postupak,
4. Prijedlog zakona o izmjenama i dopunama Zakona o visini stope zatezne kamate na javne prihode – hitni postupak,
5. Prijedlog zakona o postupku prijenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima – skraćeni postupak,
6. Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak,
7. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini,
8. Prijedlog odluke o pristupanju izradi Prostornog plana Federacije Bosne i Hercegovine,
9. Izvještaj o radu za 2024. godinu i Finansijski plan sa programom rada za 2025. godinu Komisije za vrijednosne papire Federacije BiH.

1. Verifikacija mandata delegatkinji u Domu naroda Parlamenta Federacije Bosne Hercegovine

Nakon ostavke od strane delegata Damira Marjanovića, Središnje izborno povjerenstvo BiH obavijestilo je Dom naroda da je dodijelilo mandat Marijeli Hašimbegović delegatkinji iz reda hrvatskog naroda u skupštini KS.

Izvještaj Mandatno – imunitetske komisije obrazložio je predsjednik komisije Ivan Ivić.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 60 glasova za, bez uzdržanih glasova i bez glasova protiv, usvojio Izvještaj Mandatno – imunitetske komisije i time verifikovao mandat delegatkinje u Domu naroda Parlamenta Federacije BiH Marijele Hašimbegović iz reda hrvatskog naroda iz skupštine KS.

Delegatkinja Marijela Hašimbegović je dala svečanu izjavu.

Predsjedavajući je konstatovao da je u skladu sa članom 260. Poslovnika o radu nakon verificiranja i davanja zakletve, delegatkinja Marijela Hašimbegović stekla pravo i dužnosti delegatkinje u Domu naroda Parlamenta Federacije BiH.

2. Informacija o provedenom javnom konkursu za popunu upražnjenog radnog mjesta rukovodećeg državnog službenika – sekretara Doma naroda Parlamenta Federacije Bosne i Hercegovine

Predsjedavajući je informaciju dostavio delegatima Doma naroda i obrazložio je.

U raspravi niko nije učestvovao.

Predsjedavajući je konstatovao da je Dom naroda primio k znanju Informaciju o provedenom javnom konkursu za popunu upražnjenog radnog mjesta rukovodećeg državnog službenika – sekretara Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda sa 61 glasom za, bez uzdržanih glasova i bez glasova protiv, prihvatio sljedeći:

Z A K L J U Č A K

1. Dom naroda Parlamenta Federacije BiH ovlašćuje predsjedavajućeg Doma naroda Parlamenta Federacije BiH da donese Rješenje o postavljenju na mjesto sekretara Doma naroda Parlamenta Federacije BiH.
2. Ovaj Zaključak stupa na snagu danom donošenja.

3. Prijedlog zakona o izmjenama Zakona o zaštiti od požara i vatrogastvu – hitni postupak

Tekst Prijedloga zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 23. sjednici, održanoj 23.7.2025. godine, usvojio Prijedlog zakona o izmjenama Zakona o zaštiti od požara i vatrogastvu sa dva amandmana koje je je Vlada Federacije BiH prihvatila, pa su isti postali sastavni dio Prijedloga zakona.

Prijedlog zakona razmatrala su nadležna radna tijela.

Prijedlog zakona obrazložio je predstavnik Vlade Federacije BiH.

Predstavnici radnih tijela nisu obrazlagali svoje izvještaje.

U raspravi su učestvovali Emir Dautović i predsjedavajući Doma naroda Parlamenta Federacije BiH Tomislav Martinović.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz 3 uzdržana glasa i 1 glasom protiv, usvojio Prijedlog zakona o izmjenama Zakona o zaštiti od požara i vatrogastvu.

4. Prijedlog zakona o izmjenama i dopunama Zakona o visini stope zatezne kamate na javne prihode – hitni postupak

Tekst Prijedloga zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 24. sjednici, održanoj 25.9.2025. godine, usvojio Prijedlog zakona o izmjenama i dopunama Zakona o visini stope zatezne kamate na javne prihode.

Prijedlog zakona razmatrala su nadležna radna tijela.

Prijedlog zakona obrazložila je Medina Dudo, pomoćnik ministra finansija.

Predstavnici radnih tijela nisu obrazlagali svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz 1 uzdržani glas i 1 glasom protiv, usvojio Prijedlog zakona o izmjenama i dopunama Zakona o visini stope zatezne kamate na javne prihode.

5. Prijedlog zakona o postupku prijenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima- skraćeni postupak

Tekst Prijedloga zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 23. sjednici, održanoj 23.7.2025. godine, usvojio Prijedlog zakona o postupku prijenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima sa jednim amandmanom koji je je Vlada Federacije BiH prihvatila, pa je postao sastavni dio Prijedloga zakona.

Prijedlog zakona razmatrala su nadležna radna tijela.

Prijedlog zakona obrazložio je ministar pravde Vedran Škobić.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 50 glasova za, bez uzdržanih i bez glasova protiv, usvojio Prijedlog zakona o postupku prijenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima.

6. Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak

Predstavnički dom obavijestio je Dom naroda da je na 24. sjednici, održanoj 25.9.2025. godine, usvojio Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine, u tekstu kako ga je predložila Vlada Federacije BiH.

Prijedlog zakona razmatrala su nadležna radna tijela.

Prijedlog zakona obrazložio je ministar prostornog uređenja Željko Nedić.

Predstavnici radnih tijela nisu obrazlagali svoje izvještaje.

U raspravi su učestvovali Haris Zahiragić, Muamer Zukić, Damir Džeba, Tomislav Martinović, Ilija Nakić, Amir Orlović i Marijela Hašimbegović.

Uslijedila je pauza od 10 minuta.

Na osnovu rezultata glasanja, predsjedavajući je konstatovao da Dom naroda, sa 3 glasa za, uz 35 uzdržanih glasova i 10 glasova protiv, nije usvojio Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda sa 50 glasova za, uz 2 uzdržana glasa i 1 glasom protiv, usvojio sljedeći:

Z A K L J U Č A K

1. Obvezuje se Dom naroda Parlamenta Federacije BiH da, u roku od 45 dana, održi posebnu sjednicu na temu – Prostorno planiranje, korišćenje i raspolaganje zemljištem u Federaciji Bosne i Hercegovine.
2. Obvezuje se Vlada Federacije BiH da, u roku od 30 dana od dana donošenja ovog Zaključka, Domu naroda Parlamenta Federacije BiH dostavi materijal koji se odnosi na temu iz tačke 1. ovog Zaključka.
3. Zaključak stupa na snagu danom donošenja.

7. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini

Tekst Prijedloga odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 24. sjednici, održanoj 25.9.2025. godine, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini.

Prijedlog odluke razmatrala su nadležna radna tijela.

Prijedlog odluke obrazložio je Vedad Nezirić iz Federalnog ministarstva finansija.

U raspravi su učestvovali Aida Obuća, Marijela Hašimbegović, Haris Zahiragić, Vildana Bešlija, Tomislav Martinović, Miomirka Melank i Ivo Šimunović.

Na osnovu rezultata glasanja, predsjedavajući je konstatovao da Dom naroda, sa 38 glasova za, uz 3 uzdržana glasa i 9 glasova protiv, nije usvojio Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini.

Predsjedavajući je dao pauzu od 10 minuta na zahtjev delegatkinje Vesne Saradžić.

Predsjednik kluba hrvatskih delegata Damir Džeba je tražio pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da je Dom naroda, sa 42 glasa za, uz 4 uzdržana glasa i 5 glasova protiv, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini.

8. Prijedlog odluke o pristupanju izradi Prostornog plana Federacije Bosne i Hercegovine

Tekst Prijedloga odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 24. sjednici, održanoj 25.09.2025. godine, donio Odluku o pristupanju izradi Prostornog plana Federacije Bosne i Hercegovine.

Prijedlog odluke razmatrala su nadležna radna tijela.

Prijedlog odluke obrazložio je ministar prostornog uređenja Željko Nedić.

Predstavnici radnih tijela nisu obrazlagali svoje izvještaje.

U raspravi su učestvovali Haris Zahiragić, Ljubinka Atanasijević, Ivo Šimunović, Vibor Handžić, Muamer Zukić, Miomirka Melank, Damir Šišić i Željko Nedić.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz 5 uzdržanih glasova i 1 glasom protiv, donio Odluku o pristupanju izradi Prostornog plana Federacije Bosne i Hercegovine.

9. Izvještaj o radu za 2024. godinu i Finansijski plan sa programom rada za 2025. godinu Komisije za vrijednosne papire Federacije BiH

Komisija za vrijednosne papire dostavila je Parlamentu Federacije BiH Izvještaj o radu za 2024. godinu i Finansijski plan sa programom rada za 2025. godinu Komisije za vrijednosne papire Federacije BiH.

Predstavnik Komisije se nije obraćao.

Predstavnici radnih tijela nisu obrazlagali svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 45 glasova za, uz 1 uzdržan glas i 3 glasa protiv, prihvatio sljedeći:

Z A K L J U Č A K

1. Dom naroda Parlamenta Federacije BiH prihvata Izvještaj o radu Komisije za vrijednosne papire Federacije BiH za 2024.godinu.
2. Ovaj Zaključak stupa na snagu danom donošenja.

Na osnovu rezultata glasanja, predsjedavajući je konstatovao da je Dom naroda sa 42 glasa za, uz 4 uzdržana glasa i 3 glasa protiv, prihvatio sljedeći:

Z A K L J U Č A K

1. Dom naroda Parlamenta Federacije BiH potvrđuje Finansijski plan s Programom rada Komisije za vrijednosne papire Federacije BiH za 2025.godinu.

Sjednica je završila rad u 18 sati i 45 minute.

Transkript sjednice čini sastavni dio Zapisnika.

SEKRETARKA DOMA NARODA
Aida Hadžić-Salkić

PREDSJEDAVAJUĆI
Tomislav Martinović